

徐公文集

二

徐公文集

PDG

徐公文集卷第六 制一

東海徐鉉

保寧王制

南昌王制

張居詠制

馬希崇舒州節度使制

馮延巳加特進制

林仁肇浙西節度使制

鄧王加司空制

上太后尊號制

徐運授太子太保制

朱業江州節度使制

朱業宣州節度使制

劉從效檢太師制

嚴續除司空制

改封江王制

謝卬加特進制

鄭王加元帥制

朱業加中書令制

馬在貴加官制

游簡言平章事制

保寧王制

門下昔先王聰明時憲文質載周親親之義莫之
或改乃知封建之重宗社攸賴友愛之美風教攸
先寅奉舊章敢忘循舉二十弟某稟質冲粹慎德
孝恭出言有章好學不倦故我文考憲訓備隆而
能踐修嘉猷惠迪前哲卓爾令器時惟老成粵予
眇冲肇當纘服賴貽謀之啓後仰垂鑒之在天尚
念多艱懼弗克荷是用睦懿親以佑涼德班宗彛

昭
劬惠

以懷萬邦錫爾以山川表爾以車服師長之任申
而寵之敦叙之恩於是乎在於戲苴茅侯社禮莫
縉焉連華棣萼親莫暱焉履信思順可以無悔尊
師重道事以多聞盡愛敬以奉親顏極慈和以厚
宗室勿怵勿墮有初有終服我訓詞永光懿烈可

南昌王制

門下昔西周之分陝服則曰風聲所存南朝之治
楊州則曰本根攸寄非親賢碩望不足以表東夏
非輔相重位不足以副具瞻天下為公百王不易
肆予敷命匪敢有私長于某敦信厚之風秉孝恭

之德允迪前烈率由生知自剖麟符往綏淮甸尊
 敬師保奉行詔條有所問而不干知為善之最樂
 東楚之俗向風而安時以為能朕亦自慰夫陟明
 賞善有國大典苟得其所雖親何嫌是用特就留
 臺寵開相府崇貴之數儀制存焉噫為政無他勤
 則有繼舉德甚易終之實難無以安佚自居而忘
 夙夜之戒無以驕貴自負而忽藥石之言治亂善
 敗則有先聖之遺經憲章文物則有中朝之成式
 諮訪佩服身先行之敬哉慎哉無忝多訓可

張居詠制

貞

叶于

夢

門下昔在先王任賢尚齒出將入相所以任賢也
尊師重傅所以尚齒也况乎擇藩屏之寄膺輔導
之求高步承華誕揚師訓克堪其選我有人焉某
負損幹之材稟純厚之德亟更庶尹歷事累朝昇
元始基賴其獻納故陟鸞臺之位爰立作相保大
踰歲藉其綏懷故委龍節之權受脤之社懋乃嘉
績協於朕心殿邦政成輯瑞來覲方圖位著爰得
僉諧而昔自故相已嘗為保重煩耆德俾傅東朝
尊敬之儀典章斯在噫昔者叔孫踈廣善於其職
克繼來躅可不慎哉勉著嘉猷以副時望可

撫州節度使馬希崇除舒州節度使制

門下姬周同德曹叔封於王畿炎漢功臣楊僕恥

居關外是知藩翰之重所寄必同遠近之差以斯

為寵我有成命爾其敬聽某識度恢弘風猷茂遠

家勲蓋世不怙貴以驕人多難存臻每忘身而濟

物智能適變仁足亢宗來庭不俟於七旬保境豈

徒於五郡劉總舉全燕之地弘正翰雄魏之邦故

實攸存懋章何恤是用加之飫賜尊以上公陟負

璽之崇資委建牙於列鎮虛襟而見前席與談言

語有章威儀可則既叶跂予之望且堅戀闕之心

勅弘

蓋

弘

子

樹

加特

藹爾誠明形於表疏愈歎忠勤之操宜更節制之
權而永泰全軍舒庸舊國地望無慙於汝水封疆
密邇於王城用諧日近之言尚資河潤之福俾迴
新命往受中權於戲大義昭彰朝恩渙汗千里之
地可以觀政三軍之帥可以圖功永樹風聲無忘
多訓可

太弟太保馮延巳落起復特加進制

門下爵賞之行憲章斯在急於務則適其變終其
事則歸於禮將軍重任足以奪孝子之情特進崇
班自昔冠諸侯之上申為懋典允屬公才具官馮

樹

延已儒雅積中機神應物風雲夙契魚水冥符處
多士之朝副具瞻之望及移相府出鎮臨川封境
綏懷聲猷茂遠項集蓼莪之痛脩從金革之權露
冕有誠輯瑞來觀疇咨舊德保佑東朝比疎傳之
在前允諧擬議類魯公之拜後適就變除俾進崇
階庶申優寵於戲將相之重資爾以惟聖儲兩之
尊繫爾以成德知人則哲予用弗疑勉揚令圖無
忝多訓可落超復冠軍大將軍加特進餘並如故

林仁肇浙西節度使制

門下建侯樹屏有國之攸先崇德報功百王之所

因

樹 勛

共斯為令典予敢忘之鎮海軍節度浙江西道觀
察等使留後金紫光祿大夫檢校太傅濟南縣開
國伯食邑七百戶林仁肇稟此星芒鬱為時幹鼓
輦之氣指勅敵而愈高金石之心固時艱而益壯
故能灼殊功於南部夷多壘於東門元戎所行績
用昭著及摠留務于浙之西成師著無犯之威察
俗有惟清之化屹爾京口殷然長城予惟汝嘉俾
正藩守因爾才略樹之風聲雄師大邦所以屏王
室尊官盛典所以懋官威惟惠惟和有嚴有翼使
予無東顧之慮者繫其賴焉克堅一心以永百祿

可依前檢校太傅兼御史大夫使持節都督潤州
諸軍事潤州刺史充鎮海軍節度使浙江西道管
內營田觀察處置等使功臣散官勲封如後

紀國公封鄧王加司空制

門下宗子維城良臣惟聖故有王社之數畀司之
權親親賢賢古之大訓也我有成命時惟至公第
七子某識度淹通器質清粹就傳之歲威儀不慙
出閣已來聞望所著向由邦政入踐中樞內形將
順之規外盡彌綸之業人知親附俗待和平邦家
之基斯實悠賴今六駢巡守萬乘啓行方資扈蹕

錫

樹勛

弘

之勤宜有疇庸之典畫南陽而錫壤掌邦土以命
官併加馭貴之資益峻具瞻之望於戲義極君父
愛敬之道無馬任綜文武弛張之政存焉爾其佩
服前訓咨詢舊德勿驕勿惰有初有終永樹風聲
以保元吉

上太后尊號制

門下膺昊穹之眷荷宗祏之重何嘗不嚴奉慈訓
聿循孝理所以化成天下弘濟多艱親親尊尊教
之大者也况沉潛之德丕顯於國風輔佐之勤光
昭於王業今遺恩累洽靈鑒在天俾予小子恭踐

弘

大寶思弘任如之烈紹恢三五之基彝章盛典敢
忘祇奉宜上大行國主皇后尊號為太后

太子少傅徐運授太子太保制

門下崇德尚賢推恩錄舊茲惟令典允屬時英予以
眇躬副膺丕業戚藩之望羽翼之恩敢忘寵章
用光師道某清直稟氣忠厚為資實戚里之所宗
歷累朝而見重敬慎即保家之主恭勤無出位之
思爰自京口臨藩克貞師律鸞臺作相足厚時風
留侯旋務于退身陳受更聞于稱職純誠益著雅望
攸高昨者預奉綴衣導揚末命忠貞以濟典禮無

勤 貞 於 貞 貞

違顧惟冲人懼德弗嗣當此承祧之日益堅重傳
之懷是用就改崇資仍加食賦於戲班崇一品秩
視三師苟非賢臣孰克臻此永期納誨無替令猷可

朱業江州節度使制

門下古者諸侯之賢入為卿士上公之寵出為方
伯故中外之任踐更攸宜我有勲臣咸曰名將藩維
宿衛夾輔冲人肆予仰成是用伸告某家傳武略
天賦純誠名因勇聞位以材致周旋數紀佐佑累
朝由裨將以統元戎勲勞滋茂自百城而登連帥
聲政洽聞寵益盛而若驚位益高而愈讓予纂服

貞

之始駿奔來朝且堅戀闕之心因處周廬之任忠
貞彌固夙夜惟寅輦下肅清時乃之方永言舊德
豈忘予懷會九江元侯入奉朝任中流之寄非賢
不居是用輟蘭綺之權付金符之重往分巨屏更
佇殊庸噫簡師旅以壯軍聲明紀律以宣庶政可
畏可愛富之教之是汝所長無替前効陟明有典
厥惟欽哉可

朱業宣州節度使制

門下車服之寵所以報功藩閫之權所以觀政茲
為令典允屬信臣某智勇推高忠貞特立秉武經

貞

而致用服戎政以居多誠惻惻然終始一揆及分
符出守持節主留恩信並行詔條畢舉肅連營而
無犯視亦予以如傷所臨之方去思仍在向鍾多
難入衛京師憂國忘家令行禁止羣情自固戎事
以寧肆予仰成時乃之力今疆場俯靜燕黎未康
宣城與區國家巨屏方當謀帥是用策勲資果毅
以壯先聲假惠和而蘇疲俗付爾節鉞往鎮撫之
惟爾慈儉足以安民剛正足以行法必當望風自
理投刃皆虛宜弘寬大之規以集中庸之德勉茲
具美永振嘉猷可

於

泉州節度使劉從効檢校太師制

門下望高於朝則享師保之任惠加於物則進土
田之封所以啓佑沖人藩屏王室者也我有寵數
屬于元侯某山岳儲精星芒稟異挺全才而應用
激大義以致身而自際會先朝奮揚奇策靜一方
之多難越萬里以來庭故得倚作藩宣誓之帶礪
而能恩威洽著紀律修明戎政有經理聲日遠黎
獻有不欺之頌朝廷無南顧之憂茂績忠規古難
其比粵子眇質嗣德弗明賴我友邦越乃賢師推
誠翼戴克荷景靈渙汗之恩惟恐不至是用增以